

廿二史考異

晉書二

廿二史攷異十九

錢大昕學

天文志上

攷之徑一不啻周三率周百四十二而徑四十五 此  
周徑之率蓋王蕃所剏其後祖沖之定密率徑一百  
一十三周三百五十五約率徑七周廿二較此數稍  
弱

大徑三十二萬九千四百一里 按周天一百七萬一  
千里以徑四十五周百四十二之率約之當云徑三  
十三萬九千四百一里此二字當是三之訛

天文志中

安帝隆安五年閏月癸丑天東南鳴十六年九月戊子  
天東南又鳴 按隆安紀元止於五年其明年改元  
元興矣此云十六年誤

永熙元年四月庚申帝崩 按武惠二紀俱云以己酉  
崩相差十一日且是歲正月改元太熙四月武帝崩  
太子卽位乃改永熙以先帝之崩繫之後君之年亦  
非也

安帝隆安二年郗恢遣鄧啟方等 本紀作鄧啟  
義熙元年十一月荊州刺史魏詠之卒 此卷書詠之

卒而下卷書詠之夢此卷書左僕射孔安國夢下卷書卒又下卷永和五年征北大將軍褚裒卒其下卽書裒夢史之無定例如此

七年七月朱齡石尅蜀蜀人尋反又討之按安帝紀

齡石以義熙八年西伐九年七月克蜀此云七年誤也下條卽有九年七月朱齡石滅蜀之文其不相檢

照如此

下卷亦引齡石克蜀事誤與此同

惠帝光熙元年十二月太白犯填星是後河間王爲東海王越所殺按河間王順爲南陽王模所殺模雖黨於越未可便稱越殺之

天文志下

孝武太元二年九月壬午太白晝見在角角兗州分野  
升平元年五月大赦 按升平在太元之前大赦亦  
與上事無涉當是錯簡

義熙十二年七月劉裕伐姚泓十三年八月擒姚泓十  
四年劉裕還彭城受宋公十一月紀作十月左僕射前  
將軍劉穆之卒明年西虜寇長安雍州刺史朱齡石  
陷沒十二月帝崩 按穆之卒亦在十三年而朱齡  
石陷沒及安帝崩俱十四年事義熙紀元終于十四  
年不得更有明年志皆誤

地理志上

始皇初并天下削罷列侯分天下為三十六郡三川河

南郡九江郡會稽潁川碭郡泗水薛郡東郡琅邪

齊郡上谷漁陽右北平遼西遼東代郡鉅鹿邯鄲上

黨太原雲中九原鴈門上郡龍門西北地漢中巴郡蜀

郡黔中長沙凡三十五郡與內史為三十六郡也

此史臣本注蓋用裴駰說王伯厚云三川漢河內

河南兩郡郭郡漢丹陽郡碭郡漢梁國泗水漢沛郡

薛郡漢魯國九原漢五原郡黔中漢武陵郡內史漢

三輔及恒農郡子按漢志武陵郡高帝置不云即秦

之黔中後漢書南蠻傳秦昭王使白起伐楚略取蠻夷始置黔中郡漢興改為武陵王氏之說本

此而丹陽郡但云故韓郡不云秦郡疑韓郡亦漢初

所置也

於是興師踰江平取百越又置閩中南海桂林象郡凡四十郡按漢志本秦京師爲內史分天下作三十六郡是內史不在三十六郡之內也漢志言秦所置郡凡三十三合南海三郡爲三十六閩中則漢武平閩粵後虛其地而不有故漢志不之數也此以鄣黔中爲秦置并內史爲三十六郡合閩中南海諸郡爲四十皆與漢志異

漢祖革秦之敝分內史爲三部更置郡國二十有三

桂

江夏豫章河內潁郡東海楚國平原梁國定襄秦山  
汝南淮陽千乘東萊燕國清河信都常山中山魏海

廣漢丞郡合二十三也三內史河上渭南中地也地理志曰高祖增二十六武帝改河上渭南中地以爲京兆馮翊扶風是爲三輔也按志以內史分三部與新置郡國

二十三適合二十六之數故引漢志以實之狀漢志謂文景各六武帝二十六與此皆不相應單舉斯語未免傳會又攷漢志梁國卽秦陽郡非高帝所增信都國亦無高帝置之文則仍不能強合也河上渭南中地三郡雖高帝所置朕未幾而廢仍爲內史三輔之分實自武帝始

文增厥九

廣平城陽清河濟南膠西膠東河

按廣平

非文帝所置當置於武帝初王溫舒爲廣平都尉此



其證也

後爲平干國

文帝建國九其一乃濟北也武帝時

并入泰山郡膠西國宣帝改曰高密

景加其四

濟北濟陰山陽北海也宣改濟北曰東平

按景帝建國九濟川

濟東山陽濟陰江都中山廣川清河常山也置郡一

北海也中山清河常山皆高帝所置郡濟川後廢故

漢志云景帝增六也志失舉江都廣川又誤以濟東

爲濟北不知濟北乃文帝所置也濟東國除爲大河

郡宣帝改爲東平國此云改濟北曰東平大謬廣川

卽信都信都國立於元哀之世而志謂高帝時已有

之亦誤

武帝開越攘胡初置十七

南海蒼梧鬱林合浦交州九真日南珠崖儋耳九郡平西

南夷置牂何越鬱沈黎汶山犍爲益州六郡西置武都郡又分立零陵郡合十七郡拓土分疆

又增十四

恒農臨淮西河朔方酒泉陳留安定天水元竟樂浪廣陵敦煌武威張掖

按

廣陵卽景帝所置江都國非武帝初置武帝建國三

平于

卽廣平

真定泗水也志皆失舉

昭帝少事又增其一

金城

至平帝元始二年凡新置郡

國七十有一與秦四十合一百一十有一按漢志

所載郡國一百三正元始二年以前之制此云百一

十有一者誤也珠崖儋耳沈黎汶山四郡後廢南海

鬱林日南卽秦之南海三郡而閩中郡則漢未嘗置

王伯厚謂除此八郡正合漢志一百三之數愚以爲  
猶未盡也分內史爲三輔視秦僅增其二梁國卽秦  
碭郡不當重出而武帝所置真定泗水志猶遺之秦  
泗水郡漢改爲沛郡漢之泗水國則分東海置非一  
地也

光武投戈之歲在彫耗之辰郡國蕭條并省者八

城陽  
淄川

高密膠東六安  
真定泗水廣陽

以後漢書光武紀續漢郡國志參

考之光武所省郡國凡十此志尙失載河閒廣平二  
國或疑河閒以復置故不書則廣陽後亦復置何以  
仍載乎

明帝置一

永昌也

章帝置二

任城吳郡

按分會稽置吳郡在

順帝時志以爲章帝置蓋承續漢志之文而誤以吳

郡當之不知章帝所置任城之外固有阜陵國也志

於揚州篇仍云順帝分會稽立吳郡一卷之中前後

自相牴牾

和順改作其名有九

和置濟北廣陽順改淮陽爲陳改楚爲彭城濟東爲東平臨淮爲下

邳下乘爲樂安信都爲安平天水爲漢陽

按和帝所置尙有河閒國志

却失載臨淮爲下邳天水爲漢陽明帝所改也淮陽

爲陳楚爲彭城下乘爲樂安和帝所改也明帝改信

都爲樂成安帝又改爲安平東平則西京舊國也志

竝以為順帝所改失之甚矣

而郡國百有八焉

省前漢八分置五改舊名七  
因書九十六少前漢三也

按前

漢郡國百有三自光武至順帝并省者八

真定城陽  
泗水蒲川

高密膠東  
六安廣平

省而復置者二

河間  
廣陽

分置者四

永昌任城  
濟北吳郡

改舊名六因舊八十九又屬國別領比郡者六

廣漢  
屬國

後為除平郡蜀郡屬國後為漢嘉郡犍為屬國後為  
朱提郡居延屬國後為西海郡遼東屬國後為昌黎

郡張掖屬  
國後不見

故續志云郡國百五也此志皆誤

桓靈頗增于前復置六郡

桓高陽高涼博陵  
靈南安郡陽廬陵

按博陵

郡桓帝延熹元年分中山置本紀有明文靈帝中平

五年分漢陽置南安郡見秦州記

劉昭  
所引

此外別無置

郡之證劉昭注續漢志云興平二年孫策分豫章立  
廬陵郡建安十五年孫權分豫章立郡陽郡二十五  
年分合浦立高梁郡本高涼縣皆在獻帝之世而高陽國  
則晉泰始元年所置見本志此以為桓雲增置者誤也  
後漢書西南夷傳靈帝時以蜀郡屬國為漢嘉郡又  
分蜀郡北部為汶山郡劉昭以為安帝延光三年置此二郡志反  
失之

魏武定霸三方鼎立生靈服蕩關洛荒蕪所置者十二

郡新興樂平西平新平略陽陰平所省者七上郡朔方五原

雲中定襄按新興省雲中定襄五原朔方置樂平

道陽廬江

析上黨地西平析金城地新平析安定右扶風地略

陽析漢陽地

本名廣魏  
晉初更名

陰平卽廣漢屬國帶方析樂

浪地譙析沛郡地樂陵析平原地章武析勃海河間

地南鄉析南陽地襄陽析南郡地攻新平郡獻帝初

平元年置其時曹公尙未得政帶方郡則公孫度所

置與魏無涉又獻帝初平四年分漢陽置永陽郡興

平二年置西海郡建安三年置城陽郡志皆失之又

按本志西平新平二郡下俱云漢置魏武定霸魯奉

漢號謂漢置可謂魏武置亦可也樂平陰平章武三

郡下俱云晉置則與此文相戾矣

而文帝置七

朝歌陽平弋陽魏興新城義陽安豐

朝歌本河內地

晉改焉汲

郡

陽平本東郡地建安中割以益魏郡及文帝受禪

乃復析之魏志稱文帝分魏郡東部為陽平郡西部

為廣平郡此不數廣平者漏也弋陽析江夏汝南地

魏興新城皆析漢中地義陽析南陽地

即漢末之安章陵郡

豐故廬江地攷魏志田豫為弋陽太守在太祖時則

建安之末已有弋陽郡而劉靖黃初中為廬江太守

則亦嘗置廬江郡矣

明及少帝增二

明上府少平陽

按蜀置西城房陵上庸三郡

魏文并為新城郡以降將孟達為太守明帝誅達復

攷異

晉書二



分其地爲上庸錫郡錫郡旋廢故志不及也平陽析

河東置又本志稱魏置者尙有廣平城陽汝陰

魏置後廢

昌黎

卽漢之遼東屬國

四郡

得漢郡者五十四焉按續漢志所載郡國百有五蜀

得其十一吳得其十八其餘七十有六魏武省其七

則魏所得漢郡當爲六十九矣漢司隸部之河南河

內河東恒農京兆馮翊扶風豫州之潁川汝南梁國

沛國陳國魯國冀州之魏郡鉅鹿常山中山安平河

間清河趙國勃海兗州之陳留東郡東平任城泰山

濟北山陽濟陰徐州之東海琅邪彭城下邳廣陵青

州之濟南平原樂安北海東萊齊國荊州之南陽揚  
州之九江并州之上黨太原西河雁門涼州之隴西  
漢陽即天水武都金城安定北地武威張掖酒泉敦煌  
張掖居延二屬國幽州之涿郡廣陽代郡上谷右北  
平遼西遼東元菟樂浪昌黎即遼東屬國皆魏所有不止  
五十四也

蜀先主於漢建安之間初置郡九

巴東巴西梓潼江陽汶山漢嘉朱提宕渠

涪

按巴東巴西皆析巴郡置江陽本犍爲枝江都

尉此三郡皆置於劉璋時汶山郡漢武所立後廢靈  
帝復立漢嘉卽蜀郡屬國亦靈帝所立非始於先主

也朱提卽犍爲屬國亦稱犍爲南部見華陽志涪陵初

稱巴東屬國與宕渠皆析巴郡地梓潼析廣漢地

後主增二雲南興古按雲南郡分建寧永昌置與古郡分

建寧牂牁置皆在建興三年建寧漢之益州郡也志

云劉禪改廣漢屬國爲陰平郡見益州篇此以陰平爲魏

武所置故不數又華陽國志稱劉氏延熙中分置東

廣漢咸熙初省及南廣郡志皆不及

得漢郡者十有一焉謂巴蜀漢中廣漢犍爲牂牁越

巂益州永昌及蜀郡犍爲二屬國也

吳主大皇帝初置郡五臨賀武昌珠崖新安臨陵南郡臨賀析蒼梧

地武昌析江夏地新安析丹陽地本名新鄣晉初改曰新安廬陵

南部即晉之南康郡也漢武置珠崖儋耳二郡元帝

時罷孫氏置郡亦不見於陳壽志惟陸凱傳云赤烏

中除儋耳太守意者合珠崖儋耳為一郡乎孫權嘗改合浦

為珠官郡孫亮時復舊名此珠官非珠崖也廬陵郡陽高涼三郡亦孫氏

所置志誤以為桓靈時置故不及權又嘗置西陵郡

以甘寧為太守置彭澤郡以呂範為太守置東安郡

以全琮為太守皆不从而省

少帝景帝各四少臨川臨海衛陽湘東景天門建安建平台浦北部臨川即豫

章東部臨海即會稽東部衛陽即長沙西部湘東即

長沙東部建安卽會稽南部天門析武陵地建平析  
宜都地吳錄孫休永安三年分合浦立北部尉領平  
山興道寧浦三縣晉志寧浦郡吳置卽此合浦北部

也廣州記建安廿三年吳分鬱林  
立寧浦郡治平山縣與吳錄異

歸命侯亦置十有二郡

始安始興邵陵安成新昌武平  
九德吳興東陽桂林榮陽宜都

始安卽零陵南部始興卽桂陽南部邵陵卽零陵  
北部安成析長沙豫章廬陵地新昌析交趾地九德  
析九真地吳興析吳丹陽地東陽析會稽地桂林析  
鬱林地武平則扶巖地也宜都郡本劉備分南郡置  
張飛孟達樊友相繼爲太守建安廿四年入吳在孫

權時非皓所置也。榮陽非吳地。畢中丞沅以爲營陽之謬。良然。然志云：穆帝分零陵立營陽郡。宋志亦云：江左分零陵立。則亦非皓所置矣。

得漢郡者十有八。謂南郡、江夏、零陵、桂陽、武陵、長沙、丹陽、會稽、吳、豫章、南海、蒼梧、鬱林、合浦、交趾、九真、日南。實十七郡。而云十八。未詳。

晉武帝太康元年，既平孫氏，凡增置郡國二十有三。陽上洛、頓邱、臨淮、東莞、襄城、汝陰、長廣、廣甯、昌黎、新野、隨郡、陰平、義陽、襄陵、宣城、南康、晉安、寧浦、始平、略陽、南平。  
榮陽、析、河南地，卽漢末之榮陽都尉也。上洛、

析、京兆地。頓邱、析東郡地。臨淮、析下邳地。東莞、析琅

邪地襄城析潁川地汝陰析汝南地長廣析東萊地  
廣甯析上谷地昌黎卽遼東屬國新野隨義陽皆析  
南陽地毗陵析吳郡地宣城析丹陽地南康卽廬陵  
南部晉安析建安地寧浦卽合浦北部始平析京兆  
扶風地略陽卽廣魏改名南平則因吳南郡改名也  
義陽樂平皆魏置而又入增置之列陰平亦以爲魏  
武置而又重出前後不檢照如此又檢本志晉初分  
廣漢立新都郡分河間立高陽國分勃海立章武國  
此處皆未之及高陽章武已入漢魏所置之列新都  
一郡不宜遺漏也

凡十九州郡國一百七十三仍吳所置二十五仍蜀所

仍漢舊九十三今據續漢志與本志參互攷之後漢

郡國一百五并省者八陳漁陽上郡五原雲中定襄

朔方張掖屬國也改舊名者十二濮陽即東郡高平即

陽淮南即九天水即漢陽范陽即承魏改燕陽即廣建寧即益

改陰平即廣漢屬漢嘉即蜀郡屬宋提即犍為屬西

海即居延屬昌黎即遼東屬也漢末增置者六博陵

新平西平西郡南安汶山也魏置者十五平陽廣平

陽平譙弋陽安豐樂陵帶方本公孫度置新興襄陽新城

魏興上庸廣魏南鄉也蜀置七巴東巴西江陽皆劉璋置



梓潼涪陵雲南興古也吳置二十六廬陵鄱陽宜都

本鎮天門建平衡陽湘東邵陵武昌安成吳興東陽

新都臨海建安臨川新昌武平九德臨賀始安始興

桂林高涼高興寧浦也新置二十二榮陽上洛汲頓

邱襄城汝陰章武高陽廣甯樂平始平新都城陽長

廣東莞臨淮義陽南平宣城毗陵晉安南康也義陽

章武汝陰城陽長廣諸郡魏時皆有之志又改廣

曰略陽南鄉曰順陽吳之新都曰新安其仍漢舊名

者八十五郡耳又按本志司州統郡國十二兖州八

豫州十冀州十三幽州七平州五并州六雍州七涼

州八秦州六梁州八益州八寧州四青州六徐州七  
荊州二十二揚州十八交州七廣州十合計之止一  
百七十二蓋青州脫北海一郡

凡周天積百七萬九百一十三里徑三十五萬六千九  
百七十里 此古法徑一周三之率七十下當有一  
字天文志周天一百七萬一千里徑三十五萬七千  
里亦是古率而與此小異

陽平郡清泉縣

本清淵避唐諱改

敦煌郡淵泉作  
溪泉亦避唐諱

僑立河東郡統安邑聞喜永安臨汾恒農譙松滋大城  
八縣 大戚卽廣戚隋避煬帝諱改

陳留國魏武帝封 袁廷檮曰武帝當作元帝卽常道  
鄉公也晉受禪封爲陳留王追謚元皇帝

濟陽郡漢置統縣九 按漢無濟陽郡蓋濟陰之誤上  
壺傳濟陰冤句人宋書州郡志於城武離狐二縣竝  
云晉太康地志屬濟陰可證今志作濟陽爲傳寫之  
譌也惠帝分陳留爲濟陽國領濟陽考城諸縣與此  
郡全不相涉晉志亦失書

東平國剛平縣 續漢志濟北國有剛縣

前漢屬泰山郡

左傳

哀八年齊人歸鬪杜預注在東平剛縣北是晉時仍  
名剛也而隱五年衛師入邲注又云東平剛父縣西

南有邨鄉此志又云剛平未審孰是

泰山郡南武城縣 按續漢志泰山郡南城縣故屬東

海漢書本作南成不知何時增入武字攷景獻羊皇

后惠羊皇后羊祜傳宋書羊欣羊元保傳竝云泰山

南城人武帝分泰山郡置南城郡封羊祜爲南城郡

公亦以縣得名也宋齊州郡志隋地理志皆稱南城

無云南武城者惟晉志多一武字殆因下文有南武

陽縣相涉而誤耳杜預注哀十四年傳云泰山南城

縣西北有輿城其注襄十九年經城武城則云泰山

南武城縣二文似相抵牾脍劉昭注續漢志引襄十

九年注亦云南城縣初無武字則杜注此條武字亦  
後人所增也南城本春秋武城之地史記亦有南武  
城之稱見仲尼弟  
子列傳但晉世祇名南城不名南武城

新泰縣故曰平陽 漢志泰山郡有東平陽縣云東者

別于河東之平陽山陽之南平陽也續漢志無此縣

蓋嘗并省未審何時重立春秋宣八年城平陽杜預

注今泰山有平陽縣卽此平陽矣其改名新泰據水

經注在晉武帝元康九年元康惠帝年號或太康之

謬

東牟縣故牟國 東字衍攷兩漢志泰山郡有牟縣卽

春秋牟國也與東萊之東牟非一地羊祜傳詔以泰山之南武陽牟南城梁父平陽五縣爲南城郡是晉時亦名牟縣也

明帝以郗鑒爲刺史寄居廣陵置濮陽濟陰尚平蔡山等郡後改爲南兖州 按晉南渡後僑置徐兖青諸州俱不加南字劉裕滅南燕收復青徐故土乃立北青北徐州而僑置之名如故是時兖境亦收復不別立北兖州但以刺史治廣陵或治淮陰而遙領淮北實郡義熙末乃以兖州刺史治滑臺而二兖始分然僑立之州猶不稱南至永初受禪以後始詔除北加

南沈休文州郡志謂晉成帝立南兖州寄治京口時  
又立南青州及并州此特據後來之名追稱之非當  
時有南兖南青之名也此志乃謂成帝後改南兖州  
則自郝鑒以後領兖州刺史者紀傳一一可攷焉嘗  
有稱南兖者乎蓋唐初史臣誤切宋代追稱爲晉時  
本號著之正史沿譌者千有餘年至予始覺其謬願  
讀史者共審之

安帝分廣陵郡之建陵臨江如皋寧海蒲濤五縣置山  
陽郡屬南兖州 以水志攷之安帝義熙中分廣陵  
立山陽郡所統者山陽鹽城

本鹽青  
安帝改

東城左鄉四縣

也又分廣陵立海陵郡所統者則建陵臨江如皋寧海蒲壽五縣也志誤

置南新蔡郡屬南豫州 按晉世無南豫之名宋武經略中原以豫州鎮壽陽而遙領淮北諸實郡豫猶未分至宋初受禪後分淮東西爲二乃有南豫之稱此志亦誤以宋人追稱爲晉時本號也宋志江州有南新蔡卽是此郡晉屬豫州至宋改屬江州耳

章武國泰始元年置 按序稱魏武置十二郡章武其一也杜恕坐事徙章武郡在魏嘉平元年是章武郡不始於晉矣



燕國安國縣國相蜀主劉禪封此縣公。安國當作安樂卽漁陽之安樂也。魏武省漁陽郡蓋并入燕郡其近塞地則棄之。

代郡富城縣 富城當作當城

穆帝永和五年慕容儁僭號於薊是爲前燕七年儁移都於鄴 按本紀永和八年儁僭帝號于中山稱燕 與此不同攷載記尙以永和五年僭卽燕王位其時尙都龍城未得薊也其徙都薊蓋在永和六年次年克中山又次年克鄴僭帝號狀猶都薊城也尙之遷鄴當在升平二年以後志未得其實

咸寧一年十月分昌黎遼東元菟帶方樂浪等郡國五  
置平州 按帝紀泰始十年二月分幽州五郡置平  
州年月不合攷衛璠傳璠除征北大將軍都督幽州  
諸軍事幽州刺史至鎮表立平州後兼督之則分立  
平州之議出於璠璠以泰始七年八月被命之鎮是  
平州當置于泰始不當在咸寧也

惠帝改新興爲晉昌郡 新興郡治九原此并州之晉  
昌也志又云惠帝元康五年分敦煌酒泉爲晉昌郡  
此涼州之晉昌也同時有兩晉昌郡或有一誤

京兆郡陰槃縣 卽漢之陰槃也 續漢志 兩漢皆屬安

定宋敏求長安志臨潼縣東新豐故城卽高帝爲太上皇所立後漢靈帝末徙安定郡陰盤縣寄治於此城今亦謂之陰盤城

安定郡西川縣 兩漢無此縣

有秦國流人至江南改堂邑爲秦郡僑立尉氏縣屬焉按宋志安帝改堂邑爲秦郡此志繫于元帝攷王國寶毛泰爲堂邑太守並在安帝時則堂邑之改秦郡是安帝非元帝審矣尉氏爲陳留屬縣攷魏中檀韶向彌檀祗並爲秦郡太守北陳留內史虞邱進亦以秦郡太守督陳留郡事則陳留僑郡亦在堂邑

界當是義熙九年土斷時省陳留郡以其縣入秦郡也

武威郡揖次縣

當作揖次

王康讀精爲子如切

漢隸青耳二字

多相亂故謬爲揖隋開皇初改廣武縣曰昌次又因揖昌同音而謬也

西海郡故屬張掖漢獻帝興平二年武威太守張繹請置按劉昭注續漢志以爲建安末立

陰平郡泰始中置統縣二陰平平廣

按志敘魏武置

郡十二陰平居其一而益州篇云劉禪建興二年分廣漢屬國爲陰平郡此又云泰始中置一卷之中三

處互異又攷宋書州郡志北陰平領陰平平武二縣  
平武獨立本曰廣武晉武帝太康元年更名此志作  
平廣亦誤

江左分梁爲秦寄治梁州 按孝武立秦州寄治襄陽  
安帝世始治梁州之漢中南鄭耳據宋志江左又僞  
立安固懷寧二郡屬南秦志却未及

安帝時又立新巴汶陽二郡 按宋志荊州有汶陽郡  
先屬梁州卽此郡也但何承天志云新立似非晉所  
置南齊書蠻傳云桓溫割以爲郡又不當安帝時

又有北新巴華陽南陰平北陰平四郡 按華陽郡宋

志云永初郡國何志竝無徐志新立則非晉所立矣  
上文稱晉人流寓於梁益者仍於二州立南北二陰  
平郡此復舉南陰平北陰平亦似重出

其後又立巴渠懷安宋熙白水上洛北上洛南宕渠懷  
漢新興安康等十郡按十郡之名竝見宋志然巴  
渠懷安宋熙北上洛彼志皆云新立則非晉所置矣  
且宋熙之名不應晉末先有之也白水郡永初郡國  
何志皆無之徐志始有則亦宋所立非晉置矣懷漢  
宋孝建二年立新興宋末省晉昌郡立安康亦宋末  
立皆非晉置蓋晉志敘江左僑置州郡多不可信

獻帝初平元年劉璋分巴郡立永寧郡建安六年改永

寧爲巴東以巴郡爲巴西二十一年劉備分巴郡立

固陵郡蜀章武元年又改固陵爲巴東郡巴西郡爲

巴郡 按華陽國志初平元年征東中郎將安漢趙

穎三國志作趙建議分巴爲二郡穎欲得巴舊名故曰益

州牧劉璋以墊江以上爲巴郡龐羲爲太守治安漢

以江州至臨江爲永寧郡胸忍至魚復爲固陵郡巴

遂分矣建安六年魚復蹇允曰璋爭巴名璋乃改永

寧爲巴郡以固陵爲巴東徙羲爲巴西太守是爲三

巴狀則固陵郡亦劉璋所分特初分三郡時以故巴

郡爲永寧

治江州

而移巴郡之名于安漢出于趙穎私

意故永寧固陵二郡民起而爭之由是巴郡還復其舊而以新置之巴郡爲巴西固陵爲巴東此三巴初設之本末也水經注云漢獻帝初平元年分巴爲三郡可證三郡之分始于劉璋而三郡俱有巴名則在建安六年此志云云非其實矣又攷劉焉以興平元年卒子璋始爲益州牧則初平元年璋尙未牧益州諸書俱屬之劉璋未免有誤或初平當爲興平之譌乎譙周巴記初平六年初平紀元止于四年此云六年誤趙穎分巴爲二郡欲得巴舊名故郡以墊江爲治安漢以下爲



永寧郡建安六年劉璋分巴以永寧爲巴東郡墊江  
爲巴西郡今按晉宋二志安漢並屬巴西不屬巴東  
宋志墊江漢舊縣建安六年度巴西劉禪建興十五  
年復舊蓋初平以安漢墊江屬新置之巴郡建安六  
年改新巴郡爲巴西則兩縣俱隸巴西矣又攷晉宋  
二志巴郡領縣四江州臨江墊江柝惟墊江由巴西  
改屬乃在蜀後主之世若臨江江州皆永寧郡之屬  
縣而後來並屬之巴郡豈非永寧後改巴郡之明證  
乎三國志張飛至江州破璋將巴郡太守嚴顏是巴  
郡仍治江州也法正與劉璋廢言張益德數萬之衆

已定巴東又云今此全有巴東廣漢犍爲過半已定  
巴西一郡復非明將軍之有是巴郡之外又有巴東  
巴西劉璋時已歿矣而華陽志云巴東郡先主入益  
州改爲江關郡封建安二十一年以胸忍復羊渠  
及宜都巫北井六縣爲固陵郡章武元年胸忍徐慮  
魚復蹇機以失巴名上表自訟先主聽復爲巴東此  
則蜀先主之世又改固陵復以郡人言仍稱巴東也  
太和八年復爲晉有 太和當作太元苻堅之敗在太  
元八年其後二年始復梁益史約略言之耳

隆安二年又立晉熙遂寧晉寧三郡 按梁州篇稱桓

溫平蜀之後於德陽界東南置遂寧郡此復載於益州篇或初置屬梁州後乃改屬益州乎又安帝立始康郡義熙中時延祖嘗爲始康太守志失載此郡

太安二年惠帝復置寧州又分建寧以西七縣別立爲益州郡永嘉二年改益州郡曰晉寧分牂牁立平夷夜郎二郡按宋書州郡志太安二年復立增牂牁越嶲朱提三郡志不載增領三郡其失一也王遜傳遜以地勢形便上分牂牁爲平夷郡分朱提爲南廣郡分建寧爲夜郎郡分永昌爲梁水郡又改益州郡爲晉寧郡事皆施行志惟載平夷夜郎不及南廣梁

水二郡其失二也且王逵以永嘉四年除寧州刺史  
踰年乃至鎮宋志以爲永嘉五年所分與逵傳相應  
此志作二年恐是轉寫之誤

地理志下

濟南郡漢置統縣五平壽下密膠東卽縣祝阿 按漢

之濟南治東平陵

今歷城縣地

領縣十四與此所領無一

同者輿地記云晉以平壽爲濟南郡治攷其屬邑乃

漢北海平原膠東地非濟南地也

于欽齊乘引之據此似晉

之濟南與漢之濟南名同而實異矣及讀宋志濟南

太守領廣城

當作歷城

朝陽著土鼓逢陵平陵

卽東平陵也六

縣土鼓逢陵二縣下云晉無則歷城四縣皆晉所有

也朝陽縣下云晉曰東朝陽太康地志屬樂安則歷

城諸縣在晉俱屬濟南也又北海太守領都昌膠東

剗卽墨下密平壽六縣惟劇縣下云晉太康地志屬

琅邪

今志屬東莞

其餘五縣不云改屬則晉時平壽諸縣

仍屬北海也又攷杜預左傳集解濟南郡有歷城縣

見桓十

有平陵縣

見莊

有於陵縣

昭十

有濰陰縣

哀

年

而平壽

見襄

及卽墨縣

襄六

自屬北海郡北海又

別有都昌縣

莊元

皆不與此志合武帝紀泰始元年

封皇從叔父遂爲濟南王凌爲北海王是北海與濟

南並置今志有濟南無北海始悟此志本有脫文後人以北海所領之縣誤連綴於濟南郡下或遂謂晉之濟南不治歷城乃治平壽豈其狀乎惟祝阿一縣杜元凱明云今屬濟南郡永初郡國志濟南郡亦有祝阿則不當列于平壽四縣之下蓋文字爛脫之餘後人妄爲補綴耳後讀魏書地形志濟南郡之歷城作書平陵朝陽四縣俱云二漢晉屬今本誤太原郡之祝阿縣則云二漢屬平原晉屬濟南正與予言合惟北海郡之下密都昌平壽膠東四縣皆云晉屬齊郡後屬似此數縣晉世嘗併于齊郡後乃仍歸北海

五  
朕亦是齊郡非濟南也

長廣郡咸寧三年置 按三國志何夔傳太祖時遷長  
廣太守則漢末已有長廣郡但晉之長廣郡止領三  
縣而夔上言所領六縣似晉時郡境視魏爲削矣  
又分城陽之黔陬壯武淳于昌安高密平昌營陵安邱  
大劇臨朐十一縣爲高密國 按營陵以下五縣皆  
隸東莞不隸城陽恐有脫文也東莞有廣縣此云大  
者疑亦避隋煬諱改之

以僑立州爲南青州而後省南青州而北青州直曰青  
州 按晉無南青州之名說已見前此亦誤承宋志

追稱以爲本號也省青州入兗州在永初受禪以後  
不應闌入晉史

東莞郡太康中置 按三國志太祖禽呂布以尹禮爲

東莞太守

城霸傳

黃初中胡質爲東莞太守

胡質傳

明帝

時張緝爲東莞太守

張既傳

而司馬晃爲東莞太守亦

杜魏代

晉書本傳

則漢末至魏已有東莞郡矣晉武帝卽

位之初封叔父伯爲東莞王是晉初本有東莞郡非

太康始置也但咸寧三年徙東莞王伯爲琅邪王卽

以東莞益其國自後東莞不爲郡者九年至太康四

年伯薨而後東莞復爲郡耳

北海之劇縣晉志隸東莞而太康地志云屬琅



邢者太康之初東莞并于琅邪也水經注東莞縣魏文帝黃初中立

爲東莞郡不知建安中已有之

元帝渡江之後徐州所得惟半乃僑置淮陽陽平濟陰

北濟陰四郡按淮陽四郡宋志皆在徐州部內

宋之北徐州彼志云淮陽晉義熙中土斷立北濟陰宋孝

武孝建元年立則皆非元帝僑置矣安帝紀義熙五

年慕容超將慕容興宗寇宿預陽平太守劉千載爲

賊所執此陽平僑置淮北之證淮陽領甬城宿預等

縣去京都水七百陸五百五十亦淮北地也志旣云

臨淮淮陵淪沒石氏乃置此四郡則四郡宜在淮南

微獨與宋志不合卽與安帝紀亦自相抵牾矣宋末  
失淮北始僑立北淮陽北濟陰於廣陵陽平於山陽  
志殆誤切宋末僑置之郡以爲元帝所立乎

以江乘置南東海南琅邪南東平南蘭陵等郡分武進  
立臨淮淮陵南彭城等郡屬南徐州又置頓邱郡屬  
北徐州 按元帝之世蔡豹爲徐州刺史鎮下邳豹  
歿而卞敦以刺史鎮泗口尋退保盱眙未聞有南北  
徐之分此一誤也當時僑立諸郡或在江南或在江  
北雖非故土而不加南字義熙收復全徐山是有北  
彭城北琅邪北蘭陵之稱永初受禪乃詔郡縣寓立

於南者聽以南爲號以北爲名者悉除之而志謂元明之世已有南琅邪南東平南蘭陵南彭城南下邳南東莞諸名此二誤也頓邱本屬司州卽使僑立徐土徐州刺史得兼督之而未經土斷當猶存司州之名不得云屬北徐州此三誤也東平本屬兖州雖僑置江南與東海琅邪蘭陵之元屬徐州者有別未經土斷當猶屬兖州不得云屬南徐州此四誤也

南濮陽南太平南泰山 按晉無太平郡當是廣平之誤宋志謂永初郡國有廣平郡寄治丹徒後省爲縣屬南太山者是也

義熙七年始分淮北爲北徐州淮南仍爲徐州統彭城沛下邳蘭陵東莞東安琅邪淮陽陽平濟陰北濟陰十一郡是時徐州全境俱已收復分爲二州蓋淮爲界志稱淮南仍爲徐州可見前此無南徐之稱也彭城以下十一郡皆北徐州所統當時本稱北彭城陵北東莞北琅邪志依宋志尙失數東海一郡而北濟陰爲宋孝建所立不應義熙已有之當去北濟陰而增東海爲十一郡也其徐州仍寄治京口而遙領廣陵山陽海陵盱眙鍾離諸實郡志不言北徐州所統郡而直以彭城等十一郡繫於徐州之下豈誤切

彭城等爲淮南僑置之郡乎然徐州所統合僑郡實郡計之實不止十一而淮陽以下四郡皆在淮北不在淮南進退皆失據矣

晉武平吳分南陽立義陽郡

下文云義陽郡太康中置太康元年卽平吳之歲也

按武帝泰始元年卽封從伯父望爲義陽王是義陽置郡不始於太康當是因魏之舊耳敘例以爲魏文帝置攷三國志黃初三年改封章陵王據爲義陽王景初元年分襄陽之郡葉縣屬義陽郡又鄧艾義陽棘陽人來敏鄧芝俱云義陽新野人是魏有義陽郡矣

順陽郡太康中置 按順陽卽南鄉郡水經注漢建安

中割南陽右壤爲南鄉郡逮晉封宣帝孫暢爲順陽

王

在太康十年

因爲立順陽郡而南鄉爲縣

舊治鄧城永嘉中丹川浸

沒至永和中徙治南鄉故城

本志亦云建安十三年魏武得荊州

分南陽西界立南鄉郡晉武帝平吳改南鄉爲順陽

郡則此云太康中置者非也但順陽郡名則定於太

康耳杜預注左傳云穀國在南鄉筑陽縣北又云商

密今南鄉丹水縣又云析今南鄉析縣又云陰縣今

屬南鄉郡蓋杜氏注左時猶未有順陽之封也敘例

太康元年增置郡國二十三不數順陽以順陽卽南

鄉也

義陽郡統縣十二 水經注引關中十三州志云晉太  
始中割南陽東鄧之安昌平林平氏義陽四縣置義  
陽郡于安昌城與此多寡迥異攷杜元凱注左傳云  
蓼國今義陽棘陽縣東南湖陽城又云鄧國今義陽  
鄧縣又陳壽蜀志來敏鄧芝俱云義陽新野人皆與  
此志合明所說恐未足據

惠帝又分義陽立隨郡分南陽立新野郡 按義陽本

領十二縣新野穰鄧蔡陽隨安昌棘陽

一本作 嶽西

平氏

嶽西是一縣平氏是一縣今本或

義陽平林朝

陽是也後分新野穰蔡陽鄧棘陽等縣立新野郡則

新野亦義陽所分矣卽云義陽故屬南陽而以例言

之當云分義陽不當云分南陽也

水經注晉成寧二年封扶風武王少

子欲爲新野郡公割南陽伍屬陽蔡陽穰鄧山郡封焉按本傳欲始封縣公其進封郡王乃在惠帝時與水經注不合伍

屬二字亦謬

志又云穆帝時以義陽流人在南郡

者立爲義陽郡安帝又僞立南義陽東義陽郡是晉

時有四義陽矣又按隨穆王整傳整封清泉侯先

武帝以義陽國一縣追封爲隨縣王子邁嗣太康九

年以義陽之平林益邁爲隨郡王則隨郡之分在武

帝時非惠帝所分矣宋志亦云太康年分義陽爲隨



國

桓溫又分南郡立武寧郡 按宋志武寧太守晉安帝  
隆安五年桓元以沮漳降蠻立桓元傳亦載此事此  
云桓溫誤也

義熙十三年省湘州置置字長沙衡陽湘東零陵邵陵

營陽還入荊州 按宋志晉懷帝永嘉元年立湘州

成帝咸和三年省安帝義熙八年復立十二年又省

此志於咸和省併義熙復立皆闕而不書疏漏甚矣

秦始皇并天下以置郡會稽九江三郡項羽封英布爲

九江王盡有其地 按項羽封英布但得九江一郡

耳非能盡有楚故地也是時羽自稱西楚霸王王梁  
楚九郡若盡以與布羽更有何地乎史漢皆無此語  
景帝四年封皇子非爲江都王并得鄣會稽郡而不得  
豫章 按漢書地理志廣陵縣下云江都易王非廣  
陵厲王胥皆都此并得鄣郡而不得吳吳卽會稽郡  
也而會稽郡下又云景帝四年屬江都二文自相矛  
盾攷江都易王傳稱吳已破徙王江都治故吳國謂  
江都王所治卽吳王濞故都非能盡有其地也嚴助  
朱買臣爲會稽太守其時江都國尙無恙則會稽之  
不屬江都明矣

明帝太寧元年分臨海立永嘉郡而揚州統丹陽吳郡  
吳興新安東陽臨海永嘉宣城義興晉陵十一郡  
今自丹陽至晉陵數之止十郡蓋脫會稽一郡

改陵陽爲廣陵 廣陵當作廣陽

晉書二

晉書三

廿二史攷異二十

錢大昕學

律歷志上

應鍾之數四十二蕤賓之數五十七大呂之數七十六夷則之數五十一夾鍾之數六十八無射之數四十五中呂之數六十此皆約其大數言之若論三分損益之密率則應鍾之數四十二又三分之一蕤賓之數五十六又九分之八大呂之數七十五又二十七分之二十三夷則之數五十又八十一分之四十六夾鍾之數六十七又二百四十三分之一百三無

射之數四十四又七百二十九分之六百九十二中  
呂之數五十九又二千一百八十七分之二千三十  
九也凡餘分之數過半以上當進之不及半當棄之  
今應鍾之餘分過半而祇云四十二夾鍾之餘分不  
及半而卽云六十八於算例未密或傳寫之譌

揚子雲曰聲生于日謂甲巳爲角乙庚爲商丙辛爲徵  
丁壬爲羽戊癸爲宮也 按太元又云甲巳之數九  
乙庚八丙辛七丁壬六戊癸五證以史記徵九商八  
羽七角六宮五之文則甲巳當爲徵丙辛爲羽丁壬  
爲角也

律歷志中

造黃初歷以四千四百八十三爲紀法千二百五十爲  
斗分 按宋志千二百五爲斗分此多一十字誤也  
韓翊本謂乾象減斗分太過故稍益之非謂四分當  
復今用斗分千二百五十不惟強于四分且強於三  
統理所必無故知宋志爲是也

至平中劉洪改爲乾象 至平當作嘉平或至下脫嘉  
字

黃初二年六月二十七日戊辰加時未日蝕 天文志  
作戊辰晦蓋二十九日也若二十七日去合朔尙遠

豈有合朔之理此傳寫差誤

三年十一月二十九日庚寅 天文志作庚申晦此作

寅誤

二年七月十五日癸未日加壬月景蝕 當云月加景

景者丙也

避唐諱改

丙與壬衝故月蝕此脫一加字

乾象歷乾法千一百七十八 諸本脫八字今以意增

蓋倍紀法爲乾法也

周天二十一萬五千一百四十 四十當作三十

通數四十一 四當作三

日法四百五十七 當云千四百五十七脫千字

餘歲三千九十 餘歲當作餘數三統術所謂策餘也  
章月二百四十五 四當作三

會日萬一千四十五 會日當作會月

閏餘十二以上歲有閏 有本或作不誤

求二十四氣置冬至小餘加大餘十五小餘五百一十  
五滿二千三百五十六從大餘 按乾象以五百八  
十九爲紀法二千三百五十六者四因紀法也置餘  
數三千九十以二十四氣平分之各得百二十八又  
四分之三數有奇零不便布算故以四因之五百一  
十五者四因百二十八又納餘分三也小餘滿紀法



爲日小餘旣四因之故亦四因紀法爲日法也當云  
置冬至大餘四其小餘今本脫此四字耳

求次沒加大餘六十九小餘六十 當云小餘六十四  
求次月小月加度二十二分二百五十八 月行每日  
十三度二百一十七分積二十九日行三百八十七  
度四百三分滿周天去之餘二十二度二百五十八  
分也

求次月加度二十九大分三百一十二小分滿會數從  
大分大分滿紀法從度 大分三百一十二之下疑  
脫小分二十三五字法以章歲乘通法如會數而一

得一萬七千三百九十二又四十七分之二十三卽  
小分也以紀法除所得數得積度二十九又不盡數  
三百一十二是爲大分大分以紀法爲分母小分以  
會數四十爲分母每月月行一周天又多行二十九  
度五百八十九分之三百一十二又四十七分之二  
十三也

以章閏乘餘年滿章月爲積閏 章月當作章歲以比  
例之理言之章歲與章閏若積年與積閏也若以章  
月爲法則當以章閏乘積月滿章月得積閏法爲章  
月與章閏若積月與積閏

五滿會率得一月 五字衍蓋因上文而重出耳

惟卦用事日因冬至大餘倍其小餘坎用事日也加小

餘千七十五滿乾法從大餘中平用事日也求次卦

一本坎各加大餘六小餘百三其四正各因其中日

而倍其小餘 按六十四卦用事直日之法本之京

房而乾象景初正光諸術皆用之其法以坎離震兌

用事在分至之首得八十分日之七十三餘卦皆六

日八十分日之七惟頤晉井大畜皆五日八十分日

之十四較它卦少七十三分所少之數卽四正卦

震兌用事之分數也乾象術推卦用事以乾法千一百

七十八當一日千一百七十八分日之千七十五卽  
八十分日之七十三強也千一百七十八分日之百  
三卽八十分之七弱也必倍其小餘者乾象推冬至  
術以紀法五百八十九爲日法今以千一百八十八  
爲日法是倍紀法之數故必倍其小餘乃可入算也  
景初術推卦用事因冬至大餘六其小餘與乾象異  
何也曰景初推冬至以紀法千八百四十三爲日法  
其推卦用事則以元法萬一千五十八爲日法元法  
乃六倍紀法之數故亦六其小餘無二理也正光術  
推冬至與推卦用事並以蔀法六千六十爲日故卽

因冬至大小餘與乾象景初數殊而理不殊也

推五行用事置冬至大小餘加大餘二十七小餘九百二十七滿二千三百五十六從大餘 此亦四因紀法爲日法也當云因冬至大餘四其小餘

滿其法得一度辰 度字衍

一日十四度十分月行分三百七十六 三當作二月行分者每度以十九乘之加入餘分則一日所行之分也

益二十二 每日月平行十三度十九分度之七以十九通之得二百五十四是爲小周月行分在盈限以

過於小周爲益不及小周爲損其在縮限則反之不  
及小周爲益過于小周爲損損之益之亦恰合小周  
之數也

五日十四度八分 八分兩字衍

八日十三度七分損四 月行一轉惟第八日第二十  
二日此兩日恰合平行之數無所損益朕月行由益  
而損正在此日故不云損若干但云損也損下不當  
有四字第二十二日亦朕

朔行大分一千八百一 大分下脫萬字以周半即半小周  
乘通法得五百四十六萬四千三百二如通數而一

得十七萬六千二百六十七又三十一分之二十五  
以歷周減之得一萬一千八百一是爲朔行大分又  
餘二十五爲小分也此文之下當有小分二十五五  
字

以上元積月乘朔行大小分滿通數四十一從大分

大小分下當要有小分二字四十當作三十

求次月加一日日餘五千二百三十三分二十五當

云日餘五千八百三十二蓋朔小餘千四百五十七

分之七百七十三其比例如五千九百六十九

日餘

之三千一百六十六又三十一之二十五也以周虛

加之得五千八百三十二爲日餘二十五爲小分  
求弦望各加七日日餘二千八百八十三小分二十九  
半 弦望小餘千四百五十七之五百五十七半其  
比例加五千九百六十九之二千二百八十三又小  
分二十九半也當云日餘二千二百八十三

十三日限餘三千九百一十三微分一千七百五十二  
諸本微作微誤此爲後限 今按術家食限之說蓋昉於此

乾象術月行十三日七千八百七十四分日之五千  
二百有三而一入交朔入交則日蝕望入交則月蝕  
入交前後一日有奇皆爲可食之限過此則不食矣



限餘謂日小餘以此爲限也有後限則必有前限下  
、文云入歷在前限餘前後限餘後者月行中道也此  
有前限之證也元嘉月行陰陽法本依洪術其於入  
歷二日之下有前限餘及微分之數十三日之下有  
後限餘及微分之數可證乾象元有前限當在二日  
之下而傳寫脫之耳狀則前限限餘及微分之數亦  
可攷乎日前限者交後之限也後限者交前之限也  
凡交前交後之限必相等何承天祖冲之術並同今以後限餘  
減月周餘三千九百六十一併周日分五千二百三  
其得九千一百六十四滿七千八百七十四分卽月周

收爲一日餘一千二百九十分又借一分作二千二

百九

即微分法

減後限微分尙餘微分四百五十七是距

交一日一千二百九十分以內爲食限矣朕則前限  
餘當在第二日日餘千二百九十弱也宜于二日之  
下添注一十九字云限餘千二百八十九微分四百  
五十七此爲前限則前後之文相應矣

朔合分萬八千三百二十八微分九百一十四微分法  
二千二百九 以周天乘朔望合數得二億二百四  
十二萬七千三百三十如會月而一得一萬八千三  
百二十八卽朔合分也又餘萬一千四十五分之四

千五百七十約之

以五約之

爲二千二百九分之九百一

十四故以二千二百九爲微分法九百一十四爲微

分微分今本皆作微分誤也後放此

其餘不滿歷周者爲入陽歷餘去之

餘當作滿

求次月加二日日餘二千五百八十置朔合分以月

周除之得二日又七千八百七十四分日之二千五

百八十則每月陰陽歷一周之後入歷日及日餘也

入歷在前限餘前後限後者月行中道也後限下脫

餘字當依元嘉術增入

其餘三日而一爲少日字衍

升分乘周率爲升分 此篇云升分者皆斗分之譌兼書斗作升與升似故傳寫易混

以合月法朔小餘并之 合月法下當有乘字

生度數度餘 當云五星度數度餘蓋星字爛脫止存下半又脫去五字

減多爲度餘分以周天乘之以日度法約之所得爲度不盡爲度餘 木火土以周率減日率餘爲度餘分金水周率大于日率則卽以周天乘日率以日度法約之爲度數及度餘也

過周天法之及十分 法當作去十當作斗

木 日餘三百三十八萬四千四十六 三十當作四十又四千下脫六百二字

火 斗分四十九萬四千二十五 二十當作一十土 日度法二百七萬八千五百八十 八十下當有一字

水 日餘六百三十一萬九百六十七 三十當作四十

不減滿歲中卽合其年 減字衍  
律歷志下

章月二百四十五 四當作三

會通七十九萬百一十 以通數除之得五月又十三  
萬四千六百三十分月之十一萬六千九百六十而  
一食較之古術二十三分之二十稍弱亦不相遠也  
以章歲乘會通如章月而一得積年六萬三千八百  
八十一尚有餘分五十五難以入算故不立會歲之  
目約之則七十九萬百一十月有十三萬四千六百  
三十食也

朔望合數六萬七千三百一十五 此以通數當會率  
故卽以半通數今人所爲朔望合數

入交限數七十三萬二千七百九十五 三當作二依

宋志改

甲子紀第一 景初術六紀而爲一元甲子甲戌甲申  
甲午甲辰甲寅皆紀首日名也通數乘紀月滿日法  
而一得六十七萬三千一百五十是爲紀日卽周天  
也以六十去之尙餘十日必更六紀而天正朔旦冬  
至復于甲子也

其日蝕望者定小餘如在中節者定小餘如所近中節  
開限數限數以下者算上爲日 日蝕當作月蝕如  
在中節以下八字疑是衍文宋志無之定小餘法見  
後推合朔交會篇又按中節限數開限之分始於景

初冬至日出辰初故限數最多夏至日出寅正故限數最少其餘中節各以日出早晚分限數之多少不及此限者夜漏未盡猶爲前日也

劉子駿造三正歷以修春秋 卽三統歷也

又六千餘歲輒益一日凡歲當累日爲次而故益之此不可行之甚者 按三統以三百八十五爲斗分較之四分術率六千一百五十六歲而益一日此亦微分累積而成非無故而增一日也元凱似未喻推步之原故所修長歷有頻置兩閏者

斗分六百五 當改大字別爲一行不應分注沒法之



下

周天八十萬五千二百二十 此文重出八十下脫九  
字

歷周四十萬七千六百二十、此半周天之數也四十  
下脫四字

會率一千八百八十三 三當作二倍朔望合數爲會  
率也

通周十六萬七千六百三 六百當作六十以日法除  
之得二十七日又六千六十三分之三千三百六十  
二是爲周則月行遲疾一周之日數也

周日日餘三千三百六十三 六十三當作六十二  
五星約法據出見以爲正不繫於元本 古術日月五  
星交會俱起於一元至姜岌乃有五星約法止據出  
見不更求元郭守敬授時術不立積年蓋濫觴于此  
矣

禮志上

可依準王景侯所撰喪服變除 謂王肅也肅爲晉武  
之外祖父故稱諱而不名

魏元帝咸熙元年進文帝爵爲王是年八月文帝崩  
是年當作明年

武帝泰始元年十二月追尊宣王妃張氏爲宣穆皇后  
景王夫人羊氏爲景皇后 按武帝紀泰始二年正  
月辛丑尊景皇帝夫人羊氏曰景皇后宮曰宏訓不  
與追尊同時且宏訓皇后后妃傳作宏訓太后以咸寧四年崩  
泰始初固無恙也不當入追尊之列

於是追祭征西將軍豫章府君潁川府君京兆府君  
漢人稱郡守曰府君晉宣帝之曾祖量豫章太守祖  
雋潁川太守父防京兆尹故皆稱府君而征西獨稱  
將軍不相混也欣永和二  
年有司奏稱征西豫章潁  
川三府君領司徒蔡謨議亦稱四府君則征西亦稱

府君矣宋書禮志高祖開封府君曾祖武原府君皇祖東安府君皇考處士府君七世右北平府君六世相國掾府君開封武原皆縣令而相國掾處士皆冒府君之稱自後士大夫敘述先世遂以府君爲通稱矣

成帝咸康五年始作武悼皇后神主祔于廟配饗世祖按帝紀悼后配饗在咸康八年后妃傳則云七年蓋定議於七年至八年三月始奉主入廟耳志云五年誤

武帝咸寧五年十一月宏訓羊太后崩 本紀在四年

六月

禮志中

孝武寧康中崇德太后褚氏崩 按褚后崩在太元九

年此云寧康中誤

博士徐藻議 此議已見后妃傳而志又載之文之複  
也宋志作徐恭

尙書左僕射何澄右僕射王雅尙書車允孔安國祠部  
郎徐廣議 按宋志此議祇有徐廣一人而廣傳亦  
載其文蓋主議者廣而澄雅諸人附和之耳此議亦  
見后妃傳而志又載之皆當刊去其一

成風顯夫人之號昭公服三年之喪 昭公事未詳當  
是文公之謫也后妃傳及宋志並與此同惟宋書徐  
廣傳作僖公然成風薨於文公四年不當僖公之世  
亦未可爲据

謂宜同於爲祖母後齊衰禭 后妃傳作齊衰三年宋  
書志傳亦皆作三年此云墓者誤也

太康七年秋扶風王亮薨 按本紀是年九月扶風王  
駿薨非亮也

孝武帝太元四年九月皇后王氏崩 帝紀后妃傳俱  
在五年

禮志下

司空張華等 按武帝太康元年華未爲司空其時司空則齊王攸也且司空上公不當列于尙書之後蓋後人妄改

職官志

建安四年以執金吾榮郃爲尙書左僕射僕射分置左右蓋自此始 按宋書百官志以榮郃爲尙書左僕射衛臻爲右僕射此志脫一句郃郃字形相涉當以郃爲正

中領軍將軍魏官也漢建安四年魏武丞相府自置

按宋志漢有南北軍衛京師武帝置中壘校尉掌北軍營光武省中壘校尉置北軍中候監五校營魏武爲丞相相府自置領軍非漢官也蓋領軍卽漢北軍中候之職但漢之中候秩止六百石魏晉以後之領軍則以貴臣爲之自領護之權重而執金吾遂廢不置衛尉亦爲閒曹矣此志敘領軍原委不如宋志之詳備且建安四年魏武未爲丞相志亦誤

資重者爲領軍護軍資輕者爲中領軍中護軍 按宋志領護資重者爲領軍護軍將軍此脫將軍二字

案文帝初置中衛及魏武帝受命分爲左右衛 此晉



武帝事非魏武帝也魏字衍文帝亦謂晉文帝非魏文帝

晉以領護左右衛驍騎游擊爲六軍 上文所列伏波撫軍鎮軍龍驤典軍上軍輔國諸將軍雖有名號而無職司此領護等六軍及四軍五校皆典軍之官故別爲一類

輿服志

史臣曰昔者乘雲效駕 按天文地理律歷禮樂職官食貨五行刑法諸序首或引書傳或自立論未有冠以史臣者獨輿服一篇有史臣曰三字此義例之未

衷於一也

古之貴者不乘牛車漢武帝推恩之末諸侯寡弱貧者  
至乘牛車其後稍見貴之白靈獻以來天子至士遂  
以爲常乘 按古制乘車兵車田車皆曲轅駕駟馬  
惟平地任載之車駕牛乃有兩轅攷工記所謂大車  
之轅摯其登又難者也牛車本庶人所乘史記平準  
書言漢興接秦之敝自天子不能具鈞駟而將相或  
乘牛車則漢初貴者已乘之矣晉時御衣車御書車  
御輅車御藥車畫輪車皆駕牛則并施於鹵簿隋書  
閭毗傳言屬車八十一乘以牛駕車不足以益文物

是自晉至隋屬車皆駕牛也石崇傳崇與王愔出游  
爭入洛城崇牛迅若飛禽愔絕不能及密貨崇帳下  
問其所以荅曰牛奔不遲良由馭者逐不及反制之  
可聽蹠轅則駛矣王衍傳衍引王導其載在車中攬  
鏡自照謂導曰爾看吾目光在牛背上矣王導傳導  
營別館以處衆妾妻曹氏將往焉導恐妾被辱遂命  
駕猶恐遲之以所執塵尾驅牛而進世說劉尹臨終  
外請殺車中牛祭神荅曰某之禱久矣南史劉瑀傳  
與何偃同從郊祀偃乘車在前瑀賜馬及之謂偃曰  
君轡何疾偃曰牛驤馭精所以疾耳徐湛之傳與弟

淳之共車行牛奔車壞朱脩之傳至建業奔牛墜車  
折脚劉德願傳善御車營立兩柱使其中分通車軸  
乃於百餘步上振轡長驅未至數尺打牛奔從柱前  
直過梁本紀常乘折角小牛車蕭瑒傳郡有項羽廟  
前後二千石皆於聽拜祠以輓下牛充祭北史高允  
傳特賜允蜀牛一頭四望獨車一乘彭城王勰傳登  
車入東掖門度一小橋牛傷人挽而入北海王詳傳  
宣武之親政詳與咸陽王禧彭城王勰並召入共乘  
慎車常景傳齊神武以景清貧特給車牛四乘妻孥  
方得達鄴元仲景傳兼御史中尉每向臺恒駕赤牛

時人號赤牛中尉。宋世隆傳今日爲令王借車牛一乘車入到省西門。王嫌牛小繫于闕下槐樹。要將一青牛駕車。畢義雲傳高元海遣犢車迎義雲入北宮。琅邪王儼傳魏氏舊制中丞出千步清道。王公皆遙住車去牛頭覲於地以待中丞過。其或遲違則赤棒棒之和士開傳遣韓寶業以犢車迎士開入內牛宏傳弟弼常醉射殺宏駕車牛。藝術傳天興五年牛大疫輿駕所乘巨犢數百頭同日斃于路側。此則自晉至隋王公士大夫競乘牛車之證也。

# 食貨志

荀羨爲北府都督鎮下邳起田于東陽之石陂公私賴之按荀羨傳除北中郎將徐州刺史監徐兗二州揚州之晉陵諸軍事尋北鎮淮陽屯田于東陽之石陂又領兗州刺史鎮下邳則屯田石陂乃在移鎮下邳之前也羨以北中郎將都督諸軍故有北府之稱省文也

五行志上

安帝元興二年十二月桓元篡位其明年二月庚寅夜濤水入石頭商旅方舟萬計漂敗流斷骸骨相望三年十月己丑朔夜濤水入石頭漂沒殺人大航流敗

攷異

晉書三

六

按元興二年之明年卽三年也庚寅後已丑止一  
日蓋一事而重出耳

晉書三